

Booshi Wever
Parlamento mester
atende asunto di
reapertura awor

...mientras Valero ta "getaway" di e claim ambiental, e ta keda si cu facilidadnan di transshipment

ORANJESTAD (AAN): Ta apenas siman pasa cu UPP a haci un apelacion na nos Parlamento pa tuma henter e asunto di e posibel reapertura di e refineria mas na serio, enbes di ta pleitando ta ken su merito esaki ta. Siman ta habri cu e noticia - hasta nos por bisa noticia internacional - cu e refineria na Aruba lo habri, pero no den su forma completo, sino parcial, Booshi Wever a indica.

Riba su mes esaki no mester ta un desaster, ya cu importante ta pa bolbe tin actividadnan industrial cu por genera trabou pa nos pueblo y entrada pa pais Aruba.

Pero si ta preocupante pa mira, cu apesar cu ta wordo papia bunita di e posibel reapertura, no tin e transparencia necesario tocante e negosacionnan cu ta andando.

Minister de Meza ta papia bunita durante reunion di Parlamento, pero toch falta e claridadnan necesario.

UPP a urgi na Parlamento tambe pa trata e asunto di refineria cu mas seriedad y diligencia.

Nos a muestra ariba aspectonan importante di un posibel deal cu Citgo, manera e parti socio-economico, laboral, financiero pa Aruba, salubridad, ambiental, huridico, y di interes general di pais Aruba.

Asina aki fin di siman ainda partido UPP a haci entrega di un peticion na tanto Parlamento como Gobierno pa percura pa e facilidadnan di benta di combustibel y tambe e transshipment pasa pa pais Aruba y keda tambe como compania estatal.

E ganashi genera aki lo mester bay den un fondo nacional destina pa enseñanza, cu e meta pa mehora, inova, desaroya y haci nos sistema di educacion accesibel pa henter nos comunidad na un forma barata, pa no bisa gratis.

A urgi na Parlamento pa atende di tempran cu gobierno e "settlement agreement" cu lo bay tin atrobe, e bialha aki cu Citgo y manera ta muestra cu Valero tambe. Di e manera cu for di tempran, si realmente e interes di pueblo ta conta pa nos Parlamento, esakinan ta wordo sirbi na prome lugar.

Ta imposibel kere cu gobierno di Aruba ta deal un seme-

Cont. di pag. 42

hante acuerdo cu Valero particularmente. Ta inaceptabel cu bo ta libera Valero di tur claim ambiental posibel, y di otro banda Valero ta para riba cu e ta keda cu e facilidadnan di transshipment. UPP ta totalmente contra di esaki.

E pregunta ta surgi atrobe: ken a priminti ken kico y a cambio di kico? Cada dia nos ta puntra nos mes si realmente e reapertura aki lo beneficia pueblo directamente, si nos mira con ta negocia!

Incluso nos a atende riba e hecho cu parce cu ya caba a cuminsa recluta hende pa bin traha na Aruba.

Na unda nos mesun trahadonan a keda?

Sigui lesa pag. 43